

70 pasukan sertai Kejohanan Lawan Pedang Terbuka UMS

DE 25/10/2011 13

KOTA KINABALU: Kejohanan Lawan Pedang Terbuka UMS 2011 diadakan di Dewan Kuliah UMS, baru-baru ini.

Sejumlah 70 pasukan dari universiti di seluruh negara mengambil bahagian dalam acara dua hari itu termasuk sekolah SM Kian Kok.

Lima acara diadakan dan acara Men's Foil dimenangi oleh Teo Zhi Bin dari SM Kian Kok diikuti di tempat kedua oleh Desmond Lee Hee Jin dari MMU Cyberjaya dan tempat ketiga Manuel Chong juga dari SM Kian Kok.

Huan Hooi Ming dari MMU Melaka menjuarai Women's Foil, tempat kedua dimenangi oleh Yeo Siow Wee dari UPM dan Radiance Chin Khee Yong dari MMU Melaka menduduki tempat ketiga.

Acara Men's Epee menyaksikan Muhammad Azrul bin Che Aziz dari MMU Cyberjaya meraih tempat pertama dan tempat kedua dimenangi oleh Lim Chew Chuan dari MMU Melaka, sementara tempat ketiga jatuh kepada Nik Daniel Affandi bin Nik Kamaruzaman dari MMU Cyberjaya.

SM Kian Kok sekali lagi menunjukkan kekuasaan mereka dalam acara Women's Epee apabila Lim Yin Yin mengungguli acara itu dan Yeo Siow Wee dari UPM di tempat kedua dan Ooi May Chen dari USM di tempat ketiga.

Kejuaraan Campuran dirangkul oleh MMU Melaka, tempat kedua diraih oleh MMU Cyberjaya sementara pasukan tuan rumah IUMS memenangi tempat ketiga. - **GL Oh**



GAMBAR berkumpul peserta kejohanan itu.